

湖南長沙國醫公會鑒定

治痢南鍼

附霍亂
症治

瀏陽羅振湘著



南京中医药大学图书馆版权所有

凡例

一古令治痢專家。多守一二祕方。間有博採諸家之說。而胸中茫無主宰。故治之有效有不效。余著是書。力矯此弊。雖竊取古人成方。然於分症用藥間。多係屢經試驗。其有未親自經驗者。則棄而不用。有彼此同一效力者。則取其一以棄其餘。刪繁就簡。舍短取長。仿孔聖舉一反三之意。閱者幸無以闕畧視之。

一是書以表裏寒熱實虛分爲六症。其餘表裡寒熱一實虛混雜之症。亦附於其間。如仲聖傷寒論。雖分三陽三陰爲六經。其餘大少陽明合病併病。大少厥陰兼病之處。無不應有盡有。面面俱到。凡時俗所創各種痢疾名稱。亦姑存之。而其治法則統於六症焉。

一是書採用藥方。無分今古。但分量及加減。或遵原方。或由余自行審定。所謂食古而不泥。萬變不離宗者也。

一是書純用中法。所有診斷治療。不牽西說。其說西法之處。另於編末紀其大畧。以明統系而重國粹也。

一是書編末。所附霍亂症治。係梓後。隨卽編出。故附於者。屢試屢驗。活人千萬。爲霍亂之救命藥。惜近來舍中用西。舉國若狂。只知有漿苗預防法。甚可哀也。並附有古今治霍亂專方。以便博考。

湖南長沙四醫公會鑒

治三痢南鍼

重伯同題



羅振湘治痢南針題詞

痢之流毒烈於虎疫治法詔人
躋民壽域綱舉目張六症分別
嘉惠醫林於茲取則

彭灼



治痢南針題詞

痢為腸澼寒熱異治河間東垣各標
精義藥劑誤投險象立致非有專
書南針相示臨證處方冥行擿埴
卓哉羅君殫心斯著六證提綱治

法略具診不離宗方則師古逆流
挽舟獨譎喻氏墨守一方鼓瑟膠
柱旁及西法亦多可議大言炎炎補
偏糾誤持此活人是曰壽世

湖南省會公安局醫務課主任張石頑敬題



治痢南鍼劉序

吾友羅振湘先生。曩著醫學闕謬一書。於余氏醫流謬妄之點。逐一揭出。息邪距諛。扶翼國學。厥功甚偉。余受而讀之。固已心異之矣。今夏又出其所著治痢南鍼見示。蓋集古今治痢方法。分爲表裏寒熱虛實六門。條分而列舉之。其選方也。一依古人成法。間亦附以己意。補其闕畧。皆係出自心裁。發前人所未發。余因是益服羅君之寢饋於斯者深也。竊維吾國醫書。浩如煙海。見解雖非一致。而治驗要無不同。特淹博之士。故執己見。往往長篇累牘。理論以愈多而愈晦澀。學說以愈繁而愈龐雜。致令讀者。如大海行舟。茫然莫知其方向之所指。以是爲世詬病者。比比皆是。非獨治痢一書

然也。誠得如羅君者。挈領提綱。芟蕪就簡。義例務衷一是。而論說毋任兩歧。如科學程式然。一以表解行之。則吾國醫絕學。行將日卽昌明。尙何慮拾西人唾餘者之狂吠也哉。抑更有進者。讀書固須能會其通。而臨牀尤宜善觀其變。蓋人之賦稟。既有膏粱藜藿之不同。卽其感受。自有勞逸飢飽之各異。曩余隨軍徐州。時值盛暑。適因潰敗。全師退遁。將士兵夫。皆日行百里。至集合時。則病劇痢者。十之六七。紛紛求診於余。余一一用大承氣。加清暑理氣之品。無不立愈。又某封翁。養尊處優。患痢疾。裡急後重。無物可下。痛脹難支。飛柬召余。至則前醫所主之承氣湯。已陳榻前。余知其深居簡出。決無外邪。立命傾其前藥。而以補中益氣湯。重用耆至七八錢。參朮至一二兩不等。一劑而病若失。次早親函來謝。

已如前矣。又某太夫人。年已六旬。陽虛下陷。依參耆附桂爲命。九月因前冒暑患痢。醫者均以年老體弱。概用溫補。日益增劇。至次年正月。一日夜下鮮血至六七十次。余診其脉實大。知爲失下。立用大劑承氣而益以滋陰養榮之品。甫半劑。即下燥屎甚多。再劑。則膿血全無。後連用生地石膏至四五斤。始得復元。可見膏粱安逸之人。不必盡屬元弱。而勞頓饑饉之餘。又不皆如喻嘉言先生所云。內虛久困者也。總之法者。一成不變者也。是在用法者神而明之。羅君此書。既以表裏寒熱虛實揭。示方法吾願讀此書者。沉幾觀變。幸毋食古不化。轉令有慈航而不能普渡也。余爲此序。因附及之。還以質之羅君。併以質之能讀羅君此書者。

民國二十一年仲夏月衡山劉嶽崙篤髯甫序於長沙東城外之蔚園

治荆南鍼
劉序

四

治痢南鍼曾序

今日而欲釐正國醫學說。難矣。外則余巖等挾其邪說。爲虎作倀。上欺政府。下蒙社會。日以消滅中醫爲能事。內則學說紛歧。各持一是。不能貫通。甚則前人已經釐正而不可移易者。如葉香巖王孟英之言外感溫病。柳寶詒之言伏氣溫病。唐容川之補注傷寒金匱各書。不特爲海內所公認。外人亦重金購買。此于國醫學說之發展。大有關繫。乃近日海上名流如惲氏鐵樵。逞其偏見。于此數家。痛加詆毀。若不亟爲糾正。實于釐正國醫學說。大有障礙。吾故謂其難也。雖然。孔子脩春秋正禮樂而大道以明。孟子闢楊墨而邪說以息。使當日無此二聖人。中國何由此文化。吾輩旣處此正道陵夷。

外患內憂。交相侵迫。使畏葸自安。不出而任此艱巨。俾後學有正軌可循。國醫前途。尙堪設想乎。羅君振湘。積學敦行。兼精歧黃。博覽羣書。孳孳不倦。於釐正國醫學說。尤爲熱心。前著醫學闢謬以發明六氣。駁斥余巖。詞嚴義正。與吳君漢僊警鐸一書。均爲近出傑作。吾道千城。近復有治痢南針之作。其書於前人學說。採擇綦嚴。而折衷以已之心得。病理治法。條理井然。清代雖有治痢專書而無此完備。能完備者而又無此精覈。羅君學說。固不僅此。然已如此審確。他可知矣。西醫日以科學二字驕我。其實科學之解釋。不過學問之有統系而已。吾國醫學。久有全部之統系。惟對於一病有一病之統系。雖有專書。尙未完全。前讀韓君止軒之瘧疾論。唐氏容川之血證論。及近人張君壽頤之中風斟詮。心竊是之。思欲倣

其體裁。使一病有一病之完全統系學說。願以牽於塵勞。有志未遂。心則無日忘之。今讀羅君此作。當不禁怦怦欲動。吾願羅君以此推廣。達吾未能達之目的。固于釐正國醫學說。大有裨益。亦免西醫日持其科學二字以相欺蒙。無畏難。無苟安。以竟此全功也。抑更有進者。孟子云守先王之道以待後之學者。今則守之外更須加以發明。待之時當須急與啓迪。加以外患內憂。交相侵迫。其難有百倍於守與待者。匹夫有責。豈異人任。對於外則師孟子之距楊墨。對於內則師孔子之修春秋正禮樂。吾願與羅君共勉之也。

民國二十一年六月衡陽曾覺叟序於長沙種福源

治病南鍼 曾序

治痢南針吳序

嗚呼。異教鴟張。聖道日晦。吾國醫學。不絕其如縷乎。前者中衛部余巖以政治壓迫廢止國醫議案失敗。近復從文字進攻。於上海創設社會醫報。組織一班西醫。並將其所著余氏醫述。擴大宣傳。而又恐東瀛學者。提倡漢醫學說。致阻醫述之進行。復著皇漢醫學批評。散佈寰球。以爲斬草除根。銷滅國醫之澈底辦法。全國醫界。尙未注意焉。醫學前途。能無懼乎。去年秋。予袖醫述一書。進陳吾友羅振湘先生。先生曰。詰哉余氏。以物質而攻氣化。若如所論。則尊器毀道。重質薄能。國醫無立足之地矣。不有以距之。竊恐邪說誣民。禍更烈於楊墨也。先生乃取醫述中誤點。亟爲辨駁。發刊

公佈。以告國人。予亦奮然而起。自問廁居醫界。不能息邪放淫。挽救國學。其如衛道之責何。於是廢寢忘餐。特著醫界之警鐸一書。專以距余氏爲主旨。而論者以好辯訾之。豈知人民之生命。與國學之存亡。實繫乎此。予與羅君。豈好辯哉。不得已也。今先生又出其所著治痢南針。就商於余。細閱是編。以表裏寒熱實虛六字提綱。雖述而不作。然纂集甚詳。辨證處方。有條不紊。按法治之。亦航海南針也。然當此異端蠡起。正吾人競爭激烈之時。予所望於先生者。亦如曾公覺叟所言。先距西醫之侵侮。再發揚中華之國粹。則是書之整頓內部。當認爲第二步工作而急其所先也。書以遺之。先生以爲然乎。

民國二十一年夏月穀旦岳陽吳漢僊書於長沙省寓